


山谷簡尺

下

十六本

山谷



庫文閣		漢書
西函	三四七	類
架	冊號	

庫文閣		漢書
三五函	三四七	類
架	冊號	

內閣文庫	
番號	漢 3471
冊數	22 (22)
函號	315 96



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



豫章黃先生簡尺卷之下

答人簡

淺草文庫

庭堅頓首前日辱

寵顧甚惠奉

手誨善承

起居勝健

惠伊蒲之饌感刻感刻


庭堅頓首

長老 滋公 方丈

庭堅頓首荐辱

惠詩句益清壯竊深歎仰使老者增愧耳陰暄秋色未
佳思一步到北禪可同幽徑閑談但恐兩作耳或得往
當道次奉招也

庭堅頓首



英發足下

庭堅頓首昨日辱

手畢留來使取荅會

彭守相過遂不得遣經宿伏想

日用輕安

所作樂府詞藻殊勝但此物須無緣情綺靡體物

亮乃能感動人耳輒擬作一篇往不知

可用否又奉為寫得文字兩軸須

行日作送路也

庭堅頓首

與發同年家

庭堅頓首多日欲作書因循未辦辱

書審比來

體力輕安為慰衝涉遠道乍得休息頗復能近文字否

見與文極相稱贊甚以為慰莊客輩計各已遣行矣

韓巡檢

趙駐泊相見為致意山中寒燠不節更希

慎愛四月二十八日

庭堅頓首

升之主簿 几前

庭堅頓首別來忽再改月懷思何日不勤辱書審比來

動靜為慰縣中泮家得與文到想必慰意

與文極道

存心從政之美惟既勉之

寄蜜極副所關感刻感刻見

與文言須來買不得今送百枚節子枵然故漫實以梯

腊想亦邑中所無耳巫山書任家昨日方送來計巫山
甚訝此書不至蓋此後已再發書矣盛暑千萬將愛五
月十三日
庭堅頓首

升之 主簿 仁親

城中幹米麵之類

不外示諭此旬有人可招呼也糟薑一器漫往

施州書得一便為送幸甚 庭堅頓首

庭堅頓首再拜

相從致不踈方復家

歲記之賜雖荷

禮數勤重又竊怪似相鄙外何耶即日煩暑雲物不能

兩天氣殊病人不審

起居佳否驛舍終不可久修葺耳東寺必已成功遂遷過

否

示諭差人法當得差無不可但十七日被

省符即解官當奉為白

權郡也三數日即可

叅候謹勒手狀承

動靜願更加

珍護六月二十一日

庭堅再拜上

毅夫前辱

書勤懇審

主人相待之意不倦甚慰懷想諸榜尋即寫了未得船
便寄去耳

季成既未能到城且盤桓山間亦佳計春蔬茂美亦宜飯也諸人數往來

宣叔寬夫家及海棠院甚奉忌同之耳欲作一大鑪蓋

不知彼工匠不以為難否去年置得一副來大小遂為

無用之器但鑪作牀前燒木鑪耳試為籌之或人工不

暇亦不須也到荆南自易得也 庭堅頓首

庭堅頓首頃屢承

惠書寄惠金師子章十冊法界觀十九冊索粉石耳前

後皆至多病健忘竊意已作書奉謝不謂乃未嘗得字

至

齋兀辱

來示愧不可言即日天氣暄暖伏惟

道力輕安承數年來

住持安穩都無魔事經藏繚以華屋甚善甚善尚粗會

面千萬

球重謹奉狀二月二十七日 庭堅頓首上

隆慶 長老 嚴公 兀前

庭堅頓首承

示諭欲刻藏記小字舊文拙惡何煩特地但且留舊本

示人可也今手寫

承明 智覺禪師示衆語一本請令善工刻之乞

守倅名銜已自有書道達佛法淡薄魔事熾然

有力道人正當出手扶救想必

欣然成就此緣也 庭堅頓首

庭堅頓首頃承遠致

祭文及祀儀雖已過時即以告白

先夫人墓次實深悲感私家多故久不寧居故失馳謝

耳愧悚愧悚

庭堅頓首

庭堅叩頭昏夜重屈

車騎訪別極荷

勤懇哀苦之餘經此節物意賴不堪無以延佇

君子益增愧尔今日定

成行否宿昔伏惟

萬福謹奉狀承

動靜

庭堅叩頭上

公言

通直

執事

庭堅頓首伏奉

恩教審

王事不至勞瘁侍奉

大姨 太君萬福

閣中勝裕渭老兄弟不廢讀書為慰惠蓋是蘇州真本

又飽糟而味足大為嘉茹此州出薑亦佳但難得麻糟

故味薄耳骨肉寓止煩

靖國多矣未知所以為報也

先公石刻實不敢忘前書既且道所以或恐以壯與和

去遠文字不可猝得則

靖國略敘鄉里名諱及字春秋若干及平生所經歷

示下即據此可作矣 公卷臥病累日今能出會集未

家儿到永想得
諸賢不落莫也未卜

瞻望千萬

為親自重九月二十五日
庭堅再拜

靖國 司法 仁弟

庭堅頓首又辱

遠寄二詩

身處瘴霧之中不忘筆研實增愛歎春溪茗菜日佳想
其助吟諷之味無餘

瞻奉千萬

亦重正月二十一日

庭堅頓首上

若及得 承

賢郎安勝想

山中閑寂極得讀書之味

庭堅再拜上

辯叔 路分 皇城 閣下頃幸

從來深服

高明遇事快盡表裏恨

當路諸公未相知察猶在閑處耳

別來不忘懷想治行忽迫到江安日苦追送之客相仍

故不作書因循至今首辱

賜教息意千萬感服無以為喻元春大慶伏惟

履道平坦百福所集

寢食之味有神相之咫尺不能參詣臨書向往伏祈

為國自重以須

陞擢初八日

庭堅再拜上

辯叔 路分 皇城 閣下 爾亦春大變大耶

庭堅頓首往歲

公壽舍中屢接

款曲隨食南北音問缺然道出山中承

長者監郡於此有

象對之幸何慰如之霜寒伏唯

起居萬福庭堅以單騎趨府界仰此當直六兵以進塗

仰頌

指揮選差強壯得力者實受

賜也即當懷刺

賓館上狀草略十月十二日

庭堅再拜

任道 通判 通直 閣下

庭堅頓首 伯氏辱

別然存問甚厚本不欲勤

將命故不敢作殘耳傳舍或有嚴潔處可置兩榻便足

幸煩

指揮

庭堅頓首上

書吏暫借一名

庭堅拜手頓首奉

手誨喜承

暴下已平大郎灼艾甚善若得稍涼舊瘡已著痂即用

崔知悌法灸四花穴極得力也羊看球既但數為左右

費甚不皇耳五香連翹湯方檢呈此一冊全是癰疽論
可熟讀之餘抗方書舊無今日方發得
元明處人已憊甚劇草草
庭堅再拜

鴻范 七舅 提舉 通直 左右

庭堅再拜伏奉

手誨承

苦暴下秋暑蒸鬱宜好將節也

大郎不能得快安樂亦是疾潛處深今與根本同病耳
若扶持得深秋涼冷亦易為藥力也

劉夫人銘義意簡真佳作也肉糕湯鷄鞭筍併蒙

珍惠感激

庭堅再拜

鴻范 七舅 提舉 通直

庭堅頓首昨日辱

垂顧甚惠奉

手誨喜承且來

起居軒安為慰蘭亭暫借留當題數字乃奉歸

庭堅頓首

子懷 市易 殿直 防閑

庭堅頓首蚤辱

寵顧荷

意勤辱重承

惠問并

貺八酒四醋何勤如之旦夕得

面草草上記道

謝不能萬一

庭堅頓首

監使 殿直

庭堅伏奉

手誨喜承

日用勝常晚食太平之

約敢不敬諾

庭堅頓首

子懷 殿直 執事

庭堅辱

教答喜承晴暖

起居輕安木匠及離柱已到資福倚子復選擇跛倚不

堪事者來輒擅消揮幹者易之矣離柱更為買上條差

大竹五竿都令來此支与錢也又玄散方并錄上

庭堅頓首

江夏 明府 于温 閣下

庭堅拜手辱

書勤懇審

迷山衝涉雖勤

道用安樂為慰

寄惠日用物重複種種良佩

不倦之意二榜寫去岑碑尾今晚或可辦封留

祚光處不爽約也庭堅行日不過二十二日矣驟熱想

不能

復出山千萬

珍重十九日

庭堅拜手

法輪 長老 齊公 几下

岑侍郎碑若有文記可尋改金輪法輪前後年月略載碑尾亦佳或難尋便不須也前日元實欲至

貴院託宿乃入衡州既而問得路甚迂乃已昨早已入州前日對食少年乃是元實然怪他不得士大夫尚作此眼腦耳一 庭堅頓首

欲得一擔食合如

公見用者聞是莊客自作者或可輟即垂惠或妨日用亦不固求也并黑漆頂蓋油羅亦得一擔佳耳

庭堅頓首數日前在淨照所極思

足下同之屬判時已大熱不敢往奉邀得

手誨審

侍奉萬福為慰只今至皇建謁

翰長如不甚熱往往矣

庭堅頓首

庭堅頓首辱教審

侍奉吉慶為慰二書唯才翁小帖不偽已題數字畫十帙略幡閣聊寫數葉奉還奉

荅草率

尊府煩道下懇

庭堅頓首

允言 使君

庭堅頓首比多故不得遣記伏承手誨審

動止萬福為慰

賜鳳鮮包不破歲例極荷

勤懇謹奉啓

謝萬一

庭堅頓首上

君正 提舉 防禦 閣下

庭堅頓首比辱

寵顧甚惠匆匆不得款佇

車馬多愧得

手字承

侍奉萬福為慰潘家真渠已取去范翁公墓銘納上昨

日市中已見蠟梅開者數枝矣

庭堅頓首

庭堅頓首前日過勤

上禮甚有煩費為愧奉

手誨喜承旦來

起居輕安

惠紫尊金山豉醬瓜皆佳物感刻感刻手寒研凍道謝

不能十一

子温

庭堅頓首

承

明府

宣德

閣下

承

須小茗帚今納二枚

庭堅再拜

分惠糖薑極慰貧喙紅合并兩攤盤一碟且遣回黑合

來日納上

庭堅拜手

惠胸鱸太多也南浦茶尚餘三十鎊都遣來并有今年

兩入香半挺耳靳葦今送可便開看乃裏起恐或濕著也

惠松實殊新好感刻感刻

庭堅拜手

來日作炊餅幸寄三斤取劑

黃耳分惠感激合於紹聖三年十二月初七日采摘也後日須煩摘二十許枚小冉園中者乃可喫

庭堅拜手

若有橙子乞一枚作醬

上馬山行飯道中承

惠黃汁感刻感刻榎檀四枚漫送諸人薰衣

庭堅再拜

其甚奇

庭堅再拜

其甚奇

分貺九銀栝已領斯羅并合皆付云

庭堅再拜

高使君計夔州留五日施州留三日亦須到黔江矣而雙牌報不至必是所至極從容耳初二日作餞會謹如來諭安奴既斷訖並不蒙

示及行遣次第豈有情敕耶呵呵

庭堅再拜

庭堅拜手喜承

體力輕安特為冬兒作褌袋何故却送來直歟緣本謂一衣用六大尺乃用八大尺耶所要止為相相緣背心今已問得作被及相緣背子之餘尚餘五尺可足矣今却納上

庭堅再拜

大鈹并三脚已到試與

問何處盟有橘皮得六兩來乃濟事當以三升酒與之也

布適恐有如前時白者尔此二匹亦可使也

庭堅拜手

夔羅背子面去年不知誰知出染來告

指揮送与或無粉此自有之

所諭

所告是轉項難乃是微有風熱睡時枕不穩尔用竹葉湯服清心牛黃圓即愈神功圓帖納上

庭堅再拜

庭堅稽首伏奉

手誨喜承

尊侯康和齋饌極如法甚煩

調護也

運判若十日宿鹽并知乘舟來今亦可到也

庭堅再拜

庭堅稽首伏奉

手筆存問喜承宿昔

起居輕安籠餅今日作韭羹為 範公補益甚愧浙中

養病寮爇驚煮鴨也茹鮓每煩

烹飪感刻聞

諸公數日中欲至摩圍亦不_一告但絕無果實都不成盤飭四十乳母乃一老精靈禿鬢大脚但可令執爨供承慶兒亦黑醜但差靈利耳若一見惡心便當掃迹不到

南寺矣

賢女手臂痛乃是風氣盛犀角湯未相當今
送風引湯二服飲盡則熱除矣

孟子已頌

伏奉

台誨喜承旦來

萬福女子待李郎來少從容乃渡江寫家翁書了必

已晚來旦行矣來慶者云范家教我作養娘遂不待

旦而行養娘之政故除名耳所遣乃閔生成都人却寡

言但差褊急丁寧遣之令伴女也范娘姑婆與壻皆極

解事故亦不多念耳謝生但略能縫直縫故不遣也曾

說無憂散乃人家老幼所須今錄上

庭堅再拜

庭堅再拜伏審經宿

尊候萬福為慰蒙

賜教存問仰荷

眷卹不已米麵實以道中齋來未闕故未往聽於

藥人耳重煩

遣至愧悚愧悚

借差白直謹承

指諭少頃請

見勒手狀不能宣究

庭堅再拜上

通判通直閣下

庭堅承

手誨喜晚來

輕安研山聊以為戲耳同借知命幼子小字也近方試
晬頗為陳諸戲具故及之非實欲取也小詩得暇亦為
之或過承天浴未可知故不敢奉

約

庭堅拜手

敦禮祕校

足下

庭堅頓首昨日幸一

然候古器與山川之怪產然然滿前可以清暑此物輩
殊勝用心於博奕也然要須以強學力行守之所謂德
之休明雖小重也不審今治何經讀何種史書參其義
味有日新之功否

惠既珍器敬佩

嘉德竹表篋裏茶五極佳恨未有天生佳瓢稱之耳米

元章書率尔題卷末

令親齋郎安勝貌古氣深穩似有守古之質甚可喜也
庭堅頓首

敦禮

祕校

足下

庭堅頓首辱

手筆喜承

日用輕安

示諭讀書甚喜然須深探其義味使不為誦古人之空
文乃有益也班固漢書最好讀然須依卷帙先後字字
讀過久之使一代事參錯在胸中便為不負班固耳周
子發書亂寫置卷尾不成字也天氣熱揮汗不給諸畫

及止止軒字未暇寫去承

佳篇須蜀紙今送三百此乃自令浣花王家作者生

承

見惠亦好但恨折時太嫩相茶瓢與相印竹同法不欲

肥而欲瘦但須飽霜露耳

庭堅頓首

敦禮 祕校 足下

庭堅頓首辱

手誨喜承

夙興安勝

損馬牙二石德興筆一筒佳惠也然德興筆雖極工遠

不如新筆之中者以其質薄不離汗也藤紙宜筆墨但

老人不堪作勞又如此盛暑可厭煩恨秋涼或可下筆

庭堅頓首

敦禮 祕校 足下

印竹戎州用煎茶然久之節斷如截以此絕

不攜來人年四十後漸可扶杖

足下少年也

親在堂而欲扶杖恐非禮意欲尋一龜殼佳

者截取近尾二寸餘治淨其近髮處開橫竅

為簪道似佳能為尋一龜筒佳者為之乎

庭堅頓首辱

敦禮

勤懇東坡書高秀如此知前所收便可付厨人覆醬也

龜筒如此者佳但恐大小發髮鬚不盡今送犀簪去若

得一差大於此者用自頸一半截之橫作兩箸道便可
用鄙事溷

高明悚惕練惕

庭堅頓首

敦禮 祕校 足下

庭堅頓首辱

手誨喜承

日用輕安久聞

尊公敦厚高明恨未相識朝夕亦作書往也龜筒冠荷

垂意少頃見

府帥即且還沙頭別日或可約

相見

庭堅頓首

敦禮 祕校 足下

庭堅頓首昨日奉

手誨送神屋冠已領適為

舅氏李學士舉哀終日疲臥遂不能作答晨起賓客相

及又辱

嗣音感刻感刻

所送生瓢大者佳而小者便用甚荷

垂意但愧以不急煩人耳揮汗捉筆汗流露衿

庭堅頓首

敦禮 祕校 足下

庭堅啓承

侍奉

安輿往返洛師喧暖

跋涉山川良勤

親老久須醫藥比方佳眠食

外家之計至今未敢以實告承

存脚勤至故及此

庭堅再拜

庭堅重辱

手誨喜承晚來

日用輕安端研亦佳漫作數語其下衰老闕情不成文也嘗有人作一大鏡研見

惠下有足因戲作銘且夕得暇當漫寫去砧研銘了亦送漸欲省去長物不須

惠貺也

庭堅頓首

敦禮

祕校

足下

庭堅頓首辱

手誨喜承

日用輕安桂林研鏡刻尤工蓋端研逼兩旁難轉鑿子

所以不及此大字耳然比之它人乃絕工也衣技管已

與張遇六十足矣

元長元度書亦是一時之傑但郵性不甚悅之若有所

善評則

二公方失勢不若不評之兩得也盛暑舟中差可度日

但小臨筆研便揮汗奉報草即悚仄悚仄

庭堅頓首

敦禮

祕校

足下

庭堅頓首辱

手誨敬承

日用輕安為愈滯念滿懷蓋是修行無力亦桂棹佳惠

方欲眠未暇嘗睡起且嘗并奉

報節度止止軒字朝文寫得便送

庭堅頓首

敦禮

秘校

足下

貫衆三塊已佳一塊搗時斷傷者恐失味可

易之也

庭堅頓首辱

手誨存問勤至復損

茶器四種皆九江佳物也感刻感刻止止軒字及諸書

皆略題數句不足傳遠恐但流畫耳昨日聞公立新除

又見

言學喜無量計

受命即行矣

公之歸禮亦是佳事綠衣奉

親兄弟同文字之樂此人生最得意處也又可多為求

蘭得數十本乃是平生所好耳

庭堅頓首

敦禮

秘校

足下

庭堅頓首辱

手誨喜承

體力輕安

惠獨體朱砂圓都下一人家所作小如未熟豌豆粒朱

色如鷄冠故可貴耳此圓已有軍健一乳也三軸文字得

暇當寫杜子美云十日畫一水五日畫一石能事不受

相感迫王宰始肯留真跡收書畫亦似精耳貪多不擇

亦是一病

庭堅頓首

敦禮

祕校

足下

庭堅頓首知命之幼子疾作於不虞遂不可措手拊存
念亡情不可言辱

簡問豈勝感塞未果奉荅又辱

來教感刻感刻

尊公所寄茶面色似差勝中間所送要須碾茶乃辨功
措耳文字萬一得暇或可了然盛名者如此已之所欲乃
以望人則善

庭堅頓首

敦禮

祕校

足下

庭堅頓首辱

手畢喜承

晨興安律

惠石鑪不甚宜火小竹合輒與一瑤璃鍾相當謹已受
賜不於

彼乏事否藤紙紙恐數日間未得了也
庭堅頓首

敦禮

祕校

足下

令親齋即安裕

庭堅頓首昨日承

足顧方煩

方回來辱多病之餘當此酷暑得涼處隨意寢訛似無
主人意想不復

相責望以此耳奉

頓首下

二十

手誨喜承晨起

侍膳安慶

惠古器荷佳意愧無古人之風空受

來賜耳石刻已領山出畫及藤紙軸似須付之秋涼天氣

如此又多病疲茶以能哀此老子使留氣續喘乎所謂

阿翁懶惰久覺兒行步奔也昨日二軸各題數字去

庭堅頓首

敦禮

祕校

足下

蘭極為

玆惠此亦一可作小詩奉謝但僕甚恐未可便

得耳

庭堅頓首兩日為

知命之子牛兒病而

日來小愈以是不復能入城辱

手誨喜承

侍奉吉慶

惠松枝以小者作管大者作竽可就七十筆也感刻感

刻倦甚奉答草率

庭堅頓首

敦禮

祕校

足下

庭堅伏奉

手誨存問勤懇感慰牛兒知命之第四子從來過房

育於不肖之所機警渾厚異於常見愛之實等已出一

朝矣之無地寄情不病而百體皆痛八事盡廢其情可

知承

奉侍至公安即還

往来衝冒宜 环愛

庭堅頓首

敦禮 祕校 足下

庭堅頓首辱

手誨喜承經宿

侍奉吉慶

所諭作字得凉得暇又病軀可靈沒必須下筆二詩須

略有思乃可成耳犀簪已領 婦弟齋郎想佳勝

庭堅頓首

敦禮 祕校 足下

庭堅頓首失牛兒來終日惘然至今頭昏眼痛雖取

喜者為之亦不能如意也以是不能脩問辱

手誨喜承

日用輕安

所須諸方既無人可抄又意緒不佳懶動耳煮黑豆法

雄豆一升按捺極淨用貫衆一斤細剉如投子同豆搗

酌水多少慢火煮豆香熟日乾之翻覆令展盡餘汁簸

取黑豆去貫衆不用空心日啗五七粒食百草木枝葉

皆有味可飽也世間不強學力行自致於古人者不可

不畜此方 庭堅頓首

敦禮 祕校 足下

庭堅頓首辱

殿敬相及於道甚荷

動意頹衰朽不堪事常 天研但

留之七日不送 則看

身履之... 不給... 奉... 奉...

庭堅頓首

敦禮 祕校 足下

小山殊佳當作小詩詠之

銅器是古人物不疑以其制作精密也作壺狀而方謂之方壺可也若欲名之不疑須古人可作耳并遣迴

庭堅頓首

手畢喜承朝采

起居不爽調護

筆墨及紙皆珍品感刻感刻竊觀

... 可以盡心於古人遠大之業開門讀書...

求已清澗以古人義味沈深重厚謝去少年戲弄之習

以副父兄之願豈不美哉屢承

羞餽未有佳物奉答輒以藥石之言為

報伏幸

裁察

庭堅頓首

敦禮 祕校 足下

庭堅頓首

軒蓋絕不出甚善甚善

閑齋清靜古器羅列左右思古人而不得見誦其書深求其義味則悠然仁義之氣生於胸中慮淡而其樂長豈與頻頻之黨喧闐作無義語之樂可同日哉惠示砧研物材頗精似亦不甚便用蓋磨墨之地不廣則難得

墨潘多置水則溢四旁非良器也少留此銘其髻乃遣
迴庭堅有大烏石研製作甚適用或要觀可遣四人并
小扛牀來取之

庭堅頓首

敦禮 祕校 足下

庭堅頓首伏奉

手畢喜承宿昔

起居軒安建溪官焙二餅皆佳物也感刻感刻書紙兩
日試用之乃大好輒受

賜矣桂林大研遣往若

齋中未有此可留充一物也兩牒合併

納上

庭堅頓首

敦禮 祕校 足下

庭堅頓首辱

手畢勤懇

惠示知命舍弟簡札對之哀楚

所留紙軸寫得今送大年兄弟畫惠崇九鹿徐白魚李
宗成山川雖名品不高皆非贊作也俟得暇趨去東坡
龍眠畫決定不是東坡畫竹多成棘是其所短無一點
俗氣是其所長此畫柔媚而俗惟枯木是丹楊高述筆
墨也龍眠畫高似吳生為其行筆神妙此畫無筆故可
知耳

庭堅頓首

敦禮 祕校 足下

昨日試用卜練茶匙極妙大筆無見成墨審
故未暇試

庭堅謹上謁候

敦禮 祕校

起居

五月十九日手狀

庭堅頓首今日到雞鳴寺為亡弟罷道場飯僧罷因過
紫府得

所惠教并

賜合笑花藤合茶匙大筆

愚意重複何以當之

所送 東坡 伯時畫皆非此二公翰墨度

足下未嘗見真筆故可漫耳書贊跋尾并作草一軸并

且留莫夜眼花都不成字

庭堅頓首

敦禮

祕校

足下

庭堅頓首今早辱

車馬屈臨得奉

對少頃欽服

後誼病餘萎茶又嬰私故未果

泰候伏奉

手誨喜承晚刻

安勝

惠建溪感刻感刻未果碾試觀其名品當皆不錄錄耳

書三軸各題其末惟

東坡簡一卷并詞語皆髣髴象類為之玷汙先達故不

得不辨也揮汗上狀草率

庭堅頓首

敦禮 祕校 執事

庭堅頓首辱

教存問勤懇審

朝請不忘夙夜

體力勝健為慰將護不至病眼遂臥家一月勉入苟才

三日耳以故未能繼奉問也 伯時書有一意思不欲

與人俟

面可道

庭堅頓首

景道 太傅 閣下

庭堅頓首辱

教審

侍奉萬福為慰玉霜極為

珍惠當作小詩奉謝地黃兩日忘却問輒為乳媪擇大

者十許斤蒸却極可笑也今所餘如此且納上亦可得

數椀汁也江南舊紙今奉一軸可擇厚薄同者各標成

軸以待 伯時公也今日以

祖父遠忌在家尔

庭堅頓首

仲謀 騏驎 文思

才起未洗漱草率

庭堅頓首辱

教審

侍奉萬福為慰

送酒極荷

勤懇四字一二日可寫適為

老兒治寢室久留來使甚愧二十六日冀得
少款草草
庭堅頓首

伯充 團練 閣下

庭堅再拜啓比自施州遣急足回輒具公狀道謹遂行
李之詳并率易通簡記言小人之私當已通徹
聽下專人至伏蒙

賜書累紙

高明 慈惠忘流人之罪垢而卹其私恩意千萬
甚慰孤危之清感詔以無以為喻即日寒燠不節不審
尊候何如伏惟

里深暇

動靜萬福庭堅區區行李已及鹽井卽獲

恭候預深欣慰

庭堅再拜上

通判 通直 閣下

庭堅拜手啓 宋宣德崔主簿來兩辱

賜書恩意勤重感服無以為喻聞

邑廷清淨

宴處自得良慰懷仰承當以七月

解印代者已至秭歸遂有音問縣絕之期良耿耿瀕江
諸郡有可權入者能

屈就耶若尔尚得

聲氣相依耳庭堅治生既略可過杖藜草履林下与老
農漁父游矣 元明數得書坐不避事之故身兼數器

殊盡瘁也知命三月初即挾雌將雛過涪陵視嗣直亦
以弟婦臨辱尉多出山中恐失調護故耳然閏月末斬
婦得男兒不育產母死中得生至今未知得安全否小
子相稍讀書成倫序但義理之性不發亦且聽之無緣
叅對憑書增情謹附承

動靜三月二十五日

庭堅再拜

味道 明府 仁友

庭堅再拜伏奉

手誨審

尊候安健

太夫人萬福良慰馳情

惠貺厨醞敬佩

嘉德庭堅來日可到城即請

實次謹勒手狀

庭堅再拜上

樂道

通判

朝請

兄

閣下

十七日狀

蒸牙一合雖是分寧茶味不甚佳但可用薑鹽煎以須
閑張尔後信別寄建茶去前日退夫會此極思
相從之樂渠得家書八月末接交代人尚未到都下
如此歲裏未得交割耳

閑張聞

庭堅頓首

貳車已具檢尚未發也

庭堅頓首再拜

補之

安撫

團練

閣下初夏淫雨寒燠無節不審

貴州氣候何如伏惟

美政在人夷夏蒙

福六物時敘禾麥茂好

齋閣清淨

起居輕安 張侍禁來蒙

賜書勤懇并問得張侍禁即日

動靜曲折甚慰懷仰無緣

叅候憑書增款謹勒手狀

四月 日賁授涪州別駕黃 庭堅狀上

補之 安撫 團練 閣下

庭堅承

寄惠方竹真珠茶荷

繾綣不忘之意李尉覆舟敗茶不便發視乾之其智短
乃如此

所論蓋已得之矣今年雙井即當求便早寄漫持施黔

研膏茶數種若彼難得建茶亦可碾終勝草茶耳施州

太守張詢仲謀与之有三十年之舊其人學識吏能皆

不在人下今年告以作茶法遂能如此茶質

本不及黔中但湯火得所耳 庭堅再拜

庭堅再拜

危縣想時得安問見省榜得

第二郎君姓名奉助

驩喜此猶未見

賜第之書度必取巍科也

李子學問必有日新之功想更激發

示諭唐道人稱述小子人物愧悚愧悚小子相今年十
四骨氣差戾厚讀書不甚費人鞭策但義理之性未甚
發耳過荷

齒記故具之

庭堅頓首

有劉公敏者甚辦事亦能潔已守貧恐緩急有使處今
漫納脚色一狀渠非敢來干請不肖往索之耳

庭堅頓首

漫書陰長詩去惡

子含有喜學書者耳

李十六至於從辟如此亦可念頃賴昌相見貧甚也又
不免罪籍則十五口衣食實無所出子先二子可學亦

欲及時今不失學耳

庭堅頓首

許作白礪荔子

惠寄不獨老饕引領小子輩皆垂涎也

向蒙

惠餘甘皆以濕損耳可用乾竹筒極燥者曬乾黃土用

沙餘甘略暴令無濕氣大槩十分黃土居六分可也暴
餘甘曬黃土皆須冷乃入筒亦戒道中懸掛風涼處勿
令中濕餘甘得黃土行千里之不皴也

庭堅再拜

庭堅頓首啓頃蒙

賜書并

寄惠食器巫山君尋即致米極濟所乏又辱寓迹所賜

書存問動懇策以所不至仰佩

恩親之意不能已已庭堅潛伏林間踈遠人事惟恐蓬蒿之不密是以缺然久不通書想

晦夫和易多可又相愛必能相寬耳雖聞已

拜衡州之命不知闕在幾時得

孔毅父書問否即日

里中宴居何以為樂頗能留意子弟學問否

子重已赴任未登高臨遠未嘗不懷

笑語千萬

珍重以酒

進擢謹勒手狀三月十三日

庭堅再拜

晦夫 衡州 使君 大夫 親友

望之去後想

令弟必將汧國入城其人亦肯調伏成家否

諸子弟有從學之所否人生須較生事之半養一佳士

教子弟為十年之計乃有可望求得佳士既資其衣食

溫飽又當尊敬之久而不勸乃可以盡君子之心而享

其功每見士大夫家養門客略與僕使同耳如此何緣

得佳士藪麻必不能為粟也向見

令嗣眉目明秀但患未得師友耳厲之人夜半而生子

求火甚急唯恐其似已也况長者乎無緣會面聊寄一

笑 庭堅頓首

李十七遂不起於蔡州可痛之令人思

公擇之盛德惘然終日不知蘇九能調護同安君至揚

州否李十五近年亦殊識好惡蘇九才器終不為人下
但憂年少未成立耳

庭堅再拜方欲奉上遽辱

庭堅頓首

賜教存問勤懇并

惠黎初有紙欵荷

珍重之意謹奉啓道

謝不能萬一

庭堅再拜

庭堅頓首蚤辱

主禮勤重感戰感戰奉

手誨喜承晚刻

起居輕安

損惠麪臍通藉臨謹承

取貶三米無遺迴蓋於

公為實費而在此未為益庭堅與中有米三十石與至

六錢一升慶尚有餘不當雋貴米而東耳惟

祭悉幸甚

庭堅頓首

庭堅頓首前 賢郎至宜辱

言勤懇佩荷

不忘之意春寒即日

中何如撥醅新成白鷺黃鷄隨分釘飯想自有以樂

家兄前過全宿著師菴中不知曲折失於奉尋 命回

必同唐次奉公謁也朱道人對門想今已講和不復口

紙矣 賢郎行日承

訪及適以家兄亦治行忽忽不果少從容又不果往別
甚不滿懷也廣師要往全州幹其院門事度彼亦難得
道地耳未卜會面千萬

珍重二月二十一日

庭堅頓首上

靜甫 太醫 達士

昨日蒙

手誨諄喻千萬感慰無量

惠金液荷

愛與之至

所以教督之者無不銘刻心膂也適奉

手誨承

都君招喚姪女子在彼感刻感刻

示諭欲并 張子望縣君請喚尤荷

惓惓之意承

汗止食有味歡喜滿懷

明略 和父日相見

庭堅再拜

庭堅頓首尚欲一

參候不謂

行李為尔迫遽也今午得

教時方為

家兄將姪婦歸治室甚兄不即上拜畫屏今送來日早

上道願

多愛幾時復能來耶憊甚草率 庭堅頓首

仲矩 足下

惠曼頭角子蔬菜佩荷

不忘之意亦見

公之愛我無已也女子今晚亦同李郎歸矣欲往略
參見

郡君也藤牀付來人并以二火兒調護之庭堅更三日
可離漢陽也

庭堅再拜
後來穎昌別致得金液丹來否

前日蒙

惠甘草遂成得數種湯藥感刻感刻偶踏遂到一處水
茹甚脆美且往二十枚若

公与夫人不畏生冷能享之可時致也留痞已佳否

庭堅再拜

庭堅頓首白

平仲南還恨

在城中之日淺又不肖以客事未得休息未得從容求
益論也先蒙

惠書勤懇千萬甚慰懷仰之情

借示

仲車先生簡尺重仁疊義可想見其風流也適有

賓客集菴中來人督書修問極草草擅煖千萬

庭堅再拜上

為道自重二月晦日

平仲少府名儒

庭堅頓首
如

一人安此風土尊侯輕德否

三言何煩如此

三言

無餘承之殊懷及也

先生草草簡尺皆有教戒此所謂有德必有言也

庭堅頓首

三言

三言

仲車先生棄士大夫不起於山陽窮居失所又不幸至

此直使人哀痛也然

仲車好德樂義不屈其身以至耄老好學不倦以放於

盡在

先生無憾矣

公父子相知深哀念其身後計士大夫亦須有動心者

焉庭堅自八月大病幾至委頓比三四日方食而知飢

知味未能復常也留來使二日候書倦甚不能成前迫

求去扶病就此天下事權之以義重輕有所屈有所申

足下強飲強食焉

太夫人自壽而已十日

庭堅再拜

平仲 主簿 執事

庭堅頓首辱

書常以公銜將之間居每從公家借書吏為煩遂不能

作牋上答不能無悚惕也荷

存問勤懇

教告重複知

公非苟然者感刻感刻

惠示新文益知效官窮僻憔悴於百寮之下而養直剛

大自申於萬夫之上古人所謂丹徒布衣者慷慨未可

量也欽歎欽歎未有會集之期何勝引領千萬

為道自重四月初吉

庭堅再拜上

主簿 二十君 執事

庭堅頓首

喻諉之篇論勢利二客由徑而入排斥義命二友其意

甚美然制作之體似未盡善也庭堅常論古人戲作之

文惟揚子雲解嘲韓退之進學解乃為盡善如斑孟堅

賁戲崔駰達旨已費亂而理不足不審以為何如

庭堅頓首

所喻快一時之語好事者將以為美談此至言也敬佩

玉音服之無斃

庭堅頓首

庭堅頓首聞

風日久晚得識

面甚慰所望恨家中

尊老者醫藥未閒不得數

從容耳奉

手誨勤懇審

旅次藜藿而陽休山立甚慰懷仰詩句壯麗伏讀增歎

跋尾謹如

來諭小暇即為之

庭堅頓首上

才翁·承事 賢者

庭堅再拜伏奉

手誨喜承晚來

起居萬福伏事出嫁阿婆亦心煩否附子極荷

垂意脚婆聞已了何緣不納孟子樣須歸舟中房封納

諸物直一二煩

指揮錄示乃敢時以鄙事湊

高明也

庭堅再拜

中玉 十三兄 金部 閣下

庭堅再拜今夕南風撼船計達旦不

靜也方欲眠奉

手誨喜承

勞攘中

尊假輕安早飯謹如

約興上座本亦同入城當乞飯承天耳

庭堅再拜

中玉 十三兄 金部 閣下

庭堅再拜伏奉

手誨喜承

起居萬福天氣泠泠殊無聊賴不審

道齋何如

所送劉季像寫得即送 庭堅再拜

中玉 十三兄 金部 閣下

庭堅再拜昨日幸

瞻謁得聞

餘論良慰懷仰浴罷蒙

賜教并

委貶朋酒敬佩

不倦之意印香法鈔上公庫雖貧僅可合也

庭堅再拜

中玉 十三兄 金部 閣下

庭堅再拜伏奉

手誨喜承旦來

起居萬福柔細即令此吏送去

遣制使已預料之矣漢祖畫贊乘晴日寫得今納上項

聞黔陽縣闕李公立舉一姓彭人不應格不知此闕在

否公安駝來自遣人往賞之可乎 庭堅再拜

中玉 十三兄 金部 閣下

庭堅再拜荐辱

誨問感刻感刻染色請黃土錢三文

安常得罷當自慶但不知得何許尔高詩有數篇當錄

上監司又如此騰倒何也直致遣上

庭堅再拜

中玉 十三兄 金部 閣下

呂德船極可人意安得憲牘明快雖園室亦

合宜也

庭堅再拜伏奉

手教喜承旦來

起居萬福太平公文一二日間持上

何子温舊与好豈代

安常耶承

欲有素題相訪來日騰船未了未得入城也

據案作草少助筆力耳一 庭堅再拜

中玉 十三兄 金部閣下

庭堅再拜蒙

手誨審晚來

起居輕安為慰

安常未聞新命而懸懸恐真得郡耶一 高君云舊渴

陝郊自嘗

參識昨日入城去或不遇

生聽耶承

賢郎且至伏想

歡慶

庭堅再拜

知府 金部 中玉 十三兄 閣下

高君詩先送舊作一篇

庭堅頓首累日得同

宴席甚慰辱

于誨喜審經宿

體候輕安

損惠西糧藥材麥醬皆佳物感載無量但愧未有以為

報耳旦夕奉

謁忽忽奉狀不宣

庭堅頓首上

駐泊·侍禁 執事

承

論小季數問動靜想瑯琊不見問也一瑯琊秀惠清
歌常有出藍之聲比得數新曲恨未得親教耳但鄂渚
亦有二三子可与娛每至樽前未嘗不懷

英對也王環中時得望
復寫否圓通道入諸山之冠也時請見接

清談否

庭堅再拜

庭堅再拜象

書瘞懇感慰

惠密副所闕已領枕椰屨足懶架大是要物然未至也
有枕椰或烏楠木界方七分六分闊者各得一條幸甚
獨自是奉煩不煩

見惠但留直它日更相慰作之也小樂府至今未成蓋
數月不作文字知井泥不食徒費井綆耳謝筆詩乃不
肖二十年前所作也公濟所幹已了其半受
賜不淺矣秋月晴徹頗得淺斟低唱之樂否恨不見小
粧与常娥爭揮耳人還奉書草率八月十六日

庭堅頓首

德脩

都監

左藏

仁親

庭堅頓首辱

書勤懇審

坐位雖勞亦以文字樂之涉夏來
貴眷安勝良慰懷仰承

小閣惠道服顧衰朽不稱耳張繫象帶抹之賜甚感佩

恨未得

面謝耳

平凝佳句清壯欽欽欽此有一人家子弟學書甚力見

公書極歎奔軼絕塵也近亦作得含笑花小樂府適盛熱批筆揮汗未能錄寄當寫一卷上李時父歸時奉寄也錫令今作去不知

可意否此一工嘗豫借直今作生活耳所寄錢却付來人去作此書已汗徹巾衣矣三月二十七日

庭堅頓首

德脩

都監

左藏

親家

伏承

別紙誨諭

官况不能佳人生夢中事耳畢竟無得失是非但要心常閑曠耳前三章聲韻亦佳恨未有人可傳不知李時父能歌否若能歌便可傳到融州矣數日極熱殆不堪幸老朽不病耳適在南樓避暑來人迫書草草遣迴紙筆皆不如法也公濟相見且為致意時父去當作書

庭堅頓首

茶三角漫送可便碾猶得新味

李仲牖遂至此令人氣塞不知彭仲微能周旋之否

欲送數軸紙去煩

作布紋留一半於齋几適冗未能處置又此兵已荷公

濟十廻山路泥滑故且已耳當裝束以待復使也
令嗣兄弟進學不輟

庭堅頓首辱

手誨勤懇喜承

起居謹安

初和父簡寫去三兩日

叅候草草

庭堅頓首

持國 足下

一女子更煩

閩中致添房感愧感愧

一郎謝惠簡忙不能作答

庭堅頓首辱

手教存問且

致遠行之助既不敢却

公亦自無餘受之增愧耳承

謝舟師不肯那船來午後當率自然同往更不入城也

庭堅頓首

持國 長者

庭堅辱

教并

磨膳白粲荷

勤卹之意無已

庭堅頓首

持國 足下

庭堅頓首奉八月二十日

所惠書承每得

衡州安問永州骨肉皆安宜良慰懷仰

寄惠中秋歌頭清麗可喜欲和去以久不作文遂共泥

不食矣得

所送鍾乳硫黃建溪極副所關感刻感刻鍾乳極得益

恨少耳南方不可多服金石荷

教意甚志盡然不肖稍闕此輒欲作病似血氣各不同

耳輒曾作問鍾乳短句前書忘寄上寄聲曾公子金丹

幾時熟願特鍾乳粉實此磬懸腹遙知蠲眼湯已化驚

管玉刀圭勿妄授此物非錄錄貸金荷

傾倒應副小兒亦不來謀不肖度之可如此耳欲得百

兩到宜備緩急恐如筇論或遷奠上亦不可不豫耳然

禦寇所謂營州之西猶營州也但兒女子不能忘耿耿

耳所惠安公四十九鍊金液如尚有更惠一兩昨病中

最得此藥力也四一臥疾想得

長者撫視乃安耳且莫差涼似可堪想彼已搖落矣無

緣言百臨書增懷千萬

珍重九月十七日

庭堅再拜

公卷承事親友

庭堅

手誨勤懇承

迎送使者良勤晚刻想

安勝鏡臺謝

留意却送去二軸書遂了今遣子魚

珍惠感刻感刻

庭堅頓首

子魚喫來過時矣聞桂林乃有鱒子魚他日當致

庭堅頓首啓竊伏

君子之譽舊矣羈繫窮城不能一望

風采未嘗不懷仰也適蒙

寵顧敬佩

不遺重辱

賜教存問感激感激遇有賓客過飯已即當詣館

謹勒手狀

庭堅再拜

子中 知縣 奉議 閣下

庭堅頓首長沙之別忽復歲窮竹道中來處處見

寶墨未嘗不懷想也比承

又攝郡政想

文雅敏達郡中當一新民亦受

賜矣

融江夷仲昨亦有書往來

臨賀今弟當時得安問

才叔道人嘗相見否未緣

瞻承臨書懷仰因西山安知客還奉書千萬

珍重下一月十七日

庭堅再拜

遙集 司理 郎朝達

庭堅頓首前辱

載熙書勤重累紙并

惠手作珎墨煤細質堅色黧黑幾兼前輩之妙不獨今
士大夫好事之比也欽重欽重又

惠京師名筆皆佳感刻感刻多事加之老懶未能作答
又辱

簡記尋問不怠何欣慰如之
錄示 東坡諸語所欲聞也

封示象州時書信讀之惕然又仰
才叔之慈仁也承

新任乃在邕州它日可教通書并為海物之主人心未
有

會面之緣千萬

珎重正月初七日

庭堅頓首上

載熙 巡檢 殿直 防閣

二紙軸久留此懶寫因來人告行草草書畢不能佳也
奉字

伯仲漫作短序道之哀初不成文也

公筆札極豪勁但未入古人繩墨何也古人雖顛草書
亦四停八當凡書字偏枯皆不成字所謂失一點如美

人眇一目失一戈如壯士折一臂不審
信之否

庭堅頓首

庭堅頓首奉

別有日時辱

惠教存問勤懇適以悲苦滿懷又心腹痛作災怪極不
能堪以是久不作書至於懷想

風義無日不勸即日天寒

治行良勤以不肖商之

東坡雖來歸未知所止且未用東去俟知定止乃行為
佳耳行李既遲遲不知荆渚猶得相見否南溪駐船奉
狀草草

十四日庭堅頓首上

元直 仁友

諸郎想讀書有日新之功

成孺安勝頃相會

若皆煩為道千萬意庭堅今日遂下江安託成州通

判黃朝奉專遣一急足往取

書信幸即付之烏鱸白快令建溪昌蒲皆朝也

湏用物耳必候

公來恐相失耳

庭堅頓首

或

公其中有所須但發取之却封示無害也

庭堅拜懇

庭堅叩頭專人辱

賜書勤懇感慰無量春氣寒燠未節不審

體力何如伏想

平易之政近民鰥寡得職

縣齋閑虛頗以

講學之功作興田里之秀民使畎畝之間知有孝友忠

信以効瑞草之實乎庭堅待盡墓次生理無幾頗亦疲

於

賓客勞問作記承

動靜不能萬一不次

庭堅叩頭上

新昌明府執事

三月三日狀

王聖塗書信遠勤

從者將致感愧

庭堅頓首

庭堅頓首自承

拜新命欲一

參侯屬

光親頭眩不敢出兩辱

車騎又不得

是但懷仰耳承十八日

當西手錄詩即下筆三二日納上小人自前年春病風

眩不能苦思因不作詩至今

長者特未察耶

庭堅再拜

才翁通判承事執事

庭堅再拜多病多故久不能作書辱

教問勞動懇感慰無量承

嘗苦日青想今已復初霜寒

王事勤止

體力勝否庭堅比以病乞宮觀尚未蒙

報然抱病如初但可安山林之分耳未緣

參展千萬

為民自重謹奉狀

庭堅再拜上

新昌知縣 推官 執事

十二月初三日狀

庭堅叩頭罪逆餘生苟活未死僅能饘粥以奉窀穸幸以中外之助二月初吉克終大事訖茲無悔惟是永失慈蔭無望顧復煩冤荼毒肺肝摧裂不孝柰何柰何伏蒙

慈哀存問慰卹恩意勤懇悲摧感塞大不可言山川悠遠無緣

面許臨紙絕塞不次

庭堅叩頭

庭堅叩頭辱

手海存問勤懇密

玉事不至勞動

侍奉吉慶良慰懷仰承

潔齋尚道日勝一日非但不肖所畏當相求於古人中耳然事

親之日可愛當以之已養為先不犯靈叟無不可為若滯

寐沈空不卹世諦則為不迴心鈍羅漢殊無用處也弟

妹婚嫁略已畢否兒女幾人有成立者未幸一二疏示

蒙齋諸詩多有佳句皆有得之言不肖不復作詩已數

年當奉為作蒙齋銘別信寄上未緣款語臨書增情不

次 茂衡 通判 宣義 道友

春氣愜暖伏惟

尊府及

聖善萬福不敢作啓蓋恐煩

裁答也來春當奏名亦可稍輯翰墨以待禮部試否略

抒軸策意亦佳昨累在

延英祇事見上列者皆以指切當世有謇諤之言將來

殿試官往往是蘇子瞻范淳夫數人定以直諫者為上

策耳因

問寢試達此意

庭堅叩頭

二尊伏想

萬福上道日必

康彊道塗不輟

空問

庭堅上

胡使君相見為道千萬意適欲再作書又為賓客所奪

聞決事如流郡中清靜殊歎仰也

庭堅叩頭

矍鑠翁無恙得

二公清顧亦少慰其晚暮嘗論佛印百事

過人惟不可作僧若此翁頗解事惟不當

覓舉耳

李仲覽相見為致問千萬言悴荒塞不能省相見處然

觀其詩知其可人也欲作家齋銘至今未就然

公必不以遲速置懷耳

庭堅上

七兄致問訊千萬知命附

起居禮蒙

存問感激

庭堅叩頭

庭堅頓首久尔滯留舊邦夙夜不自熹忽得順風遂解舟實以快意不能奉

別但馳情耳辱

手誨喜承

侍奉吉慶

惠羊麵過荷

勤意乍遠千萬

珍重謹勒手狀

庭堅頓首

深道

韋君

賢俊

足下

庭堅頓首辱

海片

惠績溪八百極副所乏感刻感刻當以官茶及雙井奉報也

庭堅頓首

韋君

賢俊

足下

庭堅頓首伏奉二十三日

手誨審稍涼

起居輕安

家母縣君萬福小親家母安勝為慰

寄惠栗橄欖三千荷

不忘之意硃紙亦好候令溪東紙工加意作極厚極白簡紙去每硃了輒中分之亦應乏也山蕘雖未出土又公至冬乃甚富也近日治一耒陽石磴甚精亦可時磴雙井奉寄但未有廬山小沙瓶尔比得入饋建溪并得

佳碾時舉一栝極奉思也

公濟適今日成行欲因來人直馬去奉狀極率易夜冷
千萬

珍護以須

陞擢

九月二十六日 庭堅再拜上

德脩

親家

都監

左藏

防閣

庭堅頓首初七日既作錫合成且使人召

時父飯并欲付以三樂府節奏乃云是日以行似有所

望而去耶辱

今書乃知渠事辦即行耳感暑不可堪喜承

起告輕安

中 小閣皆佳勝東棧環奈豈作堰間處耶樂府卷

于倦甚仍未下筆教鞋前偶闕此家中寄得六雙來可

不煩入耳唯幅巾多欲但恐彼亦自難得薄皂紗故未

寄樣去餘無所闕也但無密早得數斤亦佳昨見時父

道在公滋味亦難堪然仕宦不免有如此曹道冲所謂

凡百事大著肚此最要妙尚阻然

集千萬

珍重

四月十三日

庭堅頓首

庭堅頓首伏奉

手誨審

涉冬安勝為慰令子想必已安和常須與竹瀝喫乃能

去癰疽根不耳

寄惠栗極助齋厨所乏感刻感刻糟薑一瓶漫往恐是
彼所難得可同 張老對飯黃梁也冷金二軸極不堪
是公庫買者差勝黔中臭米紙耳小兒學書或須也漸
寒可團爐夜語殊恨

公未得歸亦適作書冗奉狀草率千萬
亦重

初八日

庭堅再拜上

興文 判官 執事

庭堅頓首昨日辱

手海承

必衛 少須湯藥喜已

清快城外閑僻都不知聞失遣


問訊也紙杏極荷

垂意數日賓客亦未暇窺經函也霜寒伏想

體力輕安謹勒手狀

庭堅頓首

德之 酒正 司法 執事



黃庭堅簡尺下

